

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ

Օրինագիծն ընդունված է ՀՀ Գերագույն խորհրդի
կողմից "14" փետրվարի 1994թ. Հ.Ն.-1005-Ի

ՀՈՂԻ ՀԱՐԿԻ ՄԱՍԻՆ

ԳԼՈՒԽ 1. ՀԱՐԿՄԱՆ ՕԲՅԵԿՏԸ ԵՎ ՎՃԱՐՈՂՆԵՐԸ

ՀՈՂՎԱԾ 1. Հողի հարկ վճարողներ են հանդիսանում հողի սեփականատերերը,
պետական սեփականություն հանդիսացող հողի մշտական եւ ժամանակավոր
օգտագործողները:

Վարձակալության պայմաններով օգտագործման տրամադրված հողերի համար հարկը
գանձվում է վարձատուից:

ՀՈՂՎԱԾ 2. Գյուղատնտեսական նշանակության հողերի համար հարկման օբյեկտ է
հանդիսանում հողի կադաստրային գնահատմամբ որոշված հաշվարկային զուտ եկամուտը:

Ոչ գյուղատնտեսական նշանակության հողերի համար հարկման օբյեկտ է
հանդիսանում հողի կադաստրային գնահատման արժեքը:

ԳԼՈՒԽ 2. ՀՈՂԻ ՀԱՐԿԻ ԴՐՈՒՅՔԱԶԱՓԵՐԸ ԵՎ ՀԱՇՎԱՐԿՄԱՆ ԿԱՐԳԸ

ՀՈՂՎԱԾ 3. Հողի հարկի չափը կապված չէ վճարողների տնտեսական գործունեության
արդյունքներից եւ սահմանվում է հողակտորի միավոր մակերեսի համար հաստատագրված
վճարի ձեով, որը վճարվում է տարվա համար:

ՀՈՂՎԱԾ 4. Գյուղատնտեսական նշանակության հողերի /ներառյալ բնակավայրերում
բնակչինարարության համար հատկացված, տնամերձ եւ այգեգործական /ամառանոցային/
հողամասերը/ համար հողի հարկի դրույքաչափը սահմանվում է դրանց կադաստրային
գնահատմամբ որոշված հաշվարկային զուտ եկամտի տասնհինգ տոկոսի չափով:

ՀՈՂՎԱԾ 5. Ոչ գյուղատնտեսական նշանակության հողերի համար հողի հարկը
սահմանվում է հետեւյալ չափերով՝

ա) արդյունաբերության /ներառյալ հանքավայրերը եւ արտադրական
գործունեությունից խախտված տարածքները/, տրանսպորտի, կապի, ռադիո-հեռարձակման,
հեռուստատեսության, պաշտպանության նպատակներով օգտագործվող, զազատար
խողովակաշարերով զբաղեցված հողատարածքների, ինչպես նաեւ ջրային ֆոնդի հողերի
համար հողի հարկի դրույքաչափը սահմանվում է համապատասխան կադաստրային
շրջանացման գոտիների տվյալ հողատեսքի կադաստրային գնահատման արժեքի նկատմամբ
հետեւյալ չափերով՝

- բնակավայրերի ներսում՝ 1 տոկոս.

- բնակավայրերից դուրս՝ 0,5 տոկոս.

բ) անտառային ֆոնդի հողերի /բացառությամբ դրանցում գտնվող գյուղատնտեսական
հողատեսքերի/ համար հողի հարկի դրույքաչափը սահմանվում է համապատասխան
կադաստրային շրջանացման գոտիների անօգտագործելի հողերի կադաստրային գնահատման
միջին արժեքի 1 տոկոսի չափով.

գ) ոչ գյուղատնտեսական նշանակության մյուս հողերի համար հողի հարկի
դրույքաչափը սահմանվում է տվյալ հողատեսքի կադաստրային գնահատման արժեքի 1
տոկոսի չափով:

ՀՈՒՎԱԾ 6. Հարկման ենթակա մակերեսների մեջ մտնում են՝ շենքերով եւ շինություններով զբաղեցված հողերը, դրանց պահպանության համար անհրաժեշտ տարածքները, ինչպես նաեւ օբյեկտների սանիտարապահպան, տեխնիկական եւ մյուս գոտիները:

ՀՈՒՎԱԾ 7. Գյուղատնտեսական գործունեության (գյուղատնտեսական արտադրանքի արտադրության) գծով վճարողներից գանձվում է հողի հարկ: Նրանք ազատվում են շահութահարկից (եկամտահարկից), բացառությամբ արդյունաբերական բնույթի գյուղատնտեսական այն ձեռնարկությունների (ջերմոցային եւ զազանաբուծական տնտեսություններ, անասնապահական համալիրներ, ագրոկոմբինատներ, թռչնաբուծական ֆաբրիկաներ եւ այլն), որոնց ցանկը հաստատում է Հայաստանի Հանրապետության կառավարությունը՝ Հայաստանի Հանրապետության Ազգային ժողովի ֆինանսավարկային բյուջետային եւ տնտեսական հարցերի մշտական հանձնաժողովի համաձայնությամբ:

Այն վճարողները, որոնց հասույթի (եկամտի) 10 տոկոսից ավելին ստացվում է ոչ գյուղատնտեսական գործունեությունից, այդ գործունեության գծով չեն ազատվում շահութահարկից (եկամտահարկից): Այդ նպատակով վճարողները պարտավոր են վարել գյուղատնտեսական եւ ոչ գյուղատնտեսական գործունեության գծով արտադրության եւ շրջանառության ծախսերի, ինչպես նաեւ իրացման առանձնացված հաշվառում:

(7-րդ հոդվածը փոփ. 25.10.95, 27.09.04 ՀՕ-115-Ն օրենքներ)

ՀՈՒՎԱԾ 8. Հողի հարկը հաշվարկվում է սկսած հողակտորի սեփականության, մշտական կամ ժամանակավոր օգտագործման իրավունքի ձեռքբերման հաջորդ ամսից:

ՀՈՒՎԱԾ 9. Հաշվետու տարվա ընթացքում հողի հարկի վճարման գծով արտոնություն ունեցող սուբյեկտը հարկի վճարումից ազատվում է այն ամսից, երբ ծագել է արտոնության իրավունքը:

Հաշվետու տարվա ընթացքում հողի հարկի վճարման գծով արտոնությունը դադարելու դեպքում հարկը հաշվարկվում է արտոնության իրավունքը դադարելու ամսվան հաջորդող ամսից:

ԳԼՈՒԽ 3. ՀՈՒԻ ՀԱՐԿԻ ԱՐՏՈՆՈՒԹՅՈՒՆՆԵՐԸ

ՀՈՒՎԱԾ 10. Հողի հարկից ազատվում են՝

ա) բյուջետային հիմնարկները եւ կազմակերպությունները, ինչպես նաեւ պետական արգելանոցները եւ արգելավայրերը, ազգային եւ ծառաբանական զբոսայգիները, բուսաբանական այգիները եւ պատմամշակութային նշանակության հողերը, բացառությամբ վարձակալության եւ ծառայողական օգտագործման տրված հողերի.

բ) հողային ռեֆորմի եւ սեփականաշնորհման ընթացքում ձեւավորված գյուղացիական եւ գյուղացիական կոլեկտիվ տնտեսությունները՝ հողի սեփականության իրավունքի ձեռքբերման ամսվանից սկսած 2 տարվա ընթացքում.

գ) հողի այն սեփականատերերը, մշտական եւ ժամանակավոր օգտագործողները, որոնց Հայաստանի Հանրապետության օրենսդրությամբ սահմանված կարգով որոշակի ժամկետով եկամտահարկից ազատելու պայմանով տրամադրվել են հողեր՝ այդ ժամկետի ընթացքում.

դ) բնակավայրերում պետական սեփականություն հանդիսացող ընդհանուր օգտագործման հողերը (հրապարակներ, փողոցներ, անցումներ, ճանապարհներ, զբոսայգիներ, պուրակներ, ջրամբարներ եւ այլն).

ե) մասնագիտական տեխնիկական ուսումնարաններին (պրոֆտեխուսումնարաններին) եւ դպրոցներին կից ուսումնարտադրական եւ փորձարարական հողամասերը.

զ) նոր հիմնված եւ երիտասարդ խաղողի ու պտղատու այգիները, մինչեւ տնկարկների լրիվ պտղաբերությունը (յուրաքանչյուր սորտի համար ագրոտեխնիկական

ցուցումներով սահմանված ժամկետում)` դրանց տարածքը 0,1 հեկտար եւ ավելի լինելու դեպքում.

Է) պետական անտառային ֆոնդի հողերը, բացառությամբ գյուղատնտեսական նշանակության վարձակալության տրված հողերի:
(հողված 10 լրաց. 05.04.00 թիվ ՀՕ-50 օրենք)

ՀՌԳՎԱԾ 11. Հողի հարկից 50 տոկոսի չափով ազատվում են`

ա) գյուղատնտեսական եւ անտառտնտեսական գիտական կազմակերպությունները, գիտահետազոտական հիմնարկները եւ ուսումնական հաստատությունների փորձնական, փորձարարական, սերմնաբուծական, տնկարանային, տոհմային եւ սորտափորձարկման ձեռնարկությունները, կայանները եւ հենակետերը` Հայաստանի Հանրապետության կառավարության կողմից հաստատված ցանկով, այն հողերի համար, որոնք օգտագործվում են բացառապես գիտական եւ ուսումնական, ինչպես նաեւ գյուղատնտեսական, անտառաբուծական մշակաբույսերի սորտափորձարկման նպատակներով.

բ) Հայաստանի Հանրապետության օրենսդրությամբ սահմանված կարգով եկամտահարկի վճարումից ազատված քաղաքացիները` սեփականության իրավունքով իրենց պատկանող հողերի համար:

ԳԼՈՒԽ 4. ՀՌԳԻ ՀԱՐԿԻ ՀԱՇՎԱՐԿՄԱՆ ԵՎ ՎՃԱՐՄԱՆ ԿԱՐԳԸ

ՀՌԳՎԱԾ 12. Հողի հարկի հաշվարկման համար հիմք են հանդիսանում հողի սեփականության, մշտական կամ ժամանակավոր օգտագործման իրավունքը հիմնավորող փաստաթղթերը:

ՀՌԳՎԱԾ 13. Ձեռնարկությունները (բացառությամբ գյուղացիական տնտեսությունների), հիմնարկները, կազմակերպությունները հողի հարկը հաշվարկում են ինքնուրույն եւ ոչ ուշ, քան մինչեւ յուրաքանչյուր տարվա սեպտեմբերի 1-ը, հարկային պետական տեսչության մարմիններին եւ ներկայացնում հաշվարկներ` հարկման ենթակա յուրաքանչյուր հողամասի համար:

Նոր հատկացված հողամասի հարկման վերաբերյալ հաշվարկները ներկայացվում են հողօգտագործման իրավունքի ձեռքբերման պահից սկսած 1 ամսվա ընթացքում:

ՀՌԳՎԱԾ 14. Քաղաքացիներն ու գյուղացիական տնտեսությունները հողի հարկը հաշվարկում են ինքնուրույն, հիմք ընդունելով Հայաստանի Հանրապետության հարկային պետական տեսչության մարմինների կողմից հաշվարկված եւ մինչեւ յուրաքանչյուր տարվա սեպտեմբերի 1-ը իրենց հանձնված վճարման ծանուցագրերը:

ՀՌԳՎԱԾ 15. Վճարողների հաշվառումն ու հողի հարկի հաշվարկումը կատարվում է յուրաքանչյուր տարվա հուլիսի 1-ի դրությամբ:

Հարկային պետական տեսչության մարմիններն իրականացնում են վճարողների հաշվառում, վերահսկողություն եւ սահմանում հարկի ճիշտ հաշվարկման եւ ժամանակին վճարման նկատմամբ:

ՀՌԳՎԱԾ 16. Հաշվարկված հարկի գումարները քաղաքացիներն ու գյուղացիական տնտեսությունները պետական բյուջե են վճարում հավասար մասերով, ոչ ուշ, քան մինչեւ հաշվետու տարվա նոյեմբերի 15-ը եւ մինչեւ հաջորդ տարվա ապրիլի 15-ը, իսկ ձեռնարկությունները, հիմնարկները, կազմակերպությունները` եռամսյակը մեկ անգամ, մինչեւ հաշվետու եռամսյակի հաջորդ ամսվա 25-ը:

ՀՌԳՎԱԾ 17. Հողի հարկի վճարումը պետական բյուջե կատարվում է Հայաստանի

Հանրապետության օրենսդրությամբ սահմանված կարգով:

ԳԼՈՒԽ 5. ԵԶՐԱՓՈՒԿ ԴՐՈՒՅԹՆԵՐ

ՀՈՒՎԱԾ 18. Սույն օրենքը խախտելու համար վճարողները, ինչպես նաև ձեռնարկությունների, հիմնարկների եւ կազմակերպությունների պաշտոնատար անձինք պատասխանատվություն են կրում Հայաստանի Հանրապետության օրենսդրությամբ սահմանված կարգով:

ՀՈՒՎԱԾ 19.

(19-րդ հոդվածը փոփ. 25.10.95, ուժը կորցրել է 03.03.04 ՀՕ-44-Ն օրենքներ)

ՀՈՒՎԱԾ 20. Սույն օրենքի կիրարկման հրահանգները մշակում եւ հրապարակում է Հայաստանի Հանրապետության հարկային պետական տեսչությունը՝ համաձայնեցնելով Հայաստանի Հանրապետության ֆինանսների, գյուղատնտեսության եւ արդարադատության նախարարությունների հետ: